

**Ўзбекистон Республикаси Вазирлар Маҳкамаси хузуридаги Олий аттестация
комиссияси ходимларининг коррупциявий хатти-харакатлари ва одоб-аҳлоқ
қоидаларини бузиш ҳолатлари устидан хизмат текширувлари ўтказиш бўйича
РЕГЛАМЕНТ**

I. Умумий қоидалар

1. Мазкур Регламент Ўзбекистон Республикаси Вазирлар Маҳкамаси хузуридаги Олий аттестация комиссияси (кейинги ўринларда – ОАК) ходимлари томонидан Ўзбекистон Республикасининг коррупцияга қарши курашишга оид қонунчилиги ёки коррупцияга қарши курашишга оид ички идоравий хужжатларини бузилишига нисбатан хизмат текширувини (кейинги ўринларда – Хизмат текшируви) ўтказишни белгиловчи ички идоравий хужжати ҳисобланади.

2. Мазкур Регламент қўйидаги мақсадларда ишлаб чиқлган:

ОАКда Хизмат текшируви ўтказишга ягона ёндашувни белгилаш;

Хизмат текшируви ўтказиш жараёни ва натижаларини хужжатлаштириш талабларини белгилаш;

ОАКда қоидабузарликлар содир этиш, унга зиён етказишга олиб келадиган сабаб ва шартларни аниқлаш ва бартараф қилиш;

ОАКда қабул қилинган ички хужжатлар ва назорат таомилларидағи камчиликларни аниқлаш ва келгусидаги қоидабузарликларга йўл қўймаслик мақсадида уларни бартараф қилиш бўйича тавсияларни ишлаб чиқиши;

ОАК ва унинг ходимларининг қўлланилаётган қонунчилик талабларини бузганлик учун жавобгарликка тортилиши хавфини камайтириш.

3. Хизмат текшируvida иштирок этаётган ОАК ходимларига ушбу Регламент билан ўрнатилган талабларга риоя қилиниши учун шахсий жавобгарлик юклатилади.

4. ОАКдаги Хизмат текшируви қўйидаги тамойиллар асосида ўтказилади:

қонунийлик;

ОАК ходимларининг хуқуқ, эркинликлари ва қонуний манфаатларига риоя қилиш; фуқаролар хуқуқ ва эркинликларини таъминлаш ва химоя қилиш;

Хизмат текшируви ўтказишда олинган ахборот ва материалларнинг конфиденциаллиги;

ОАК ходимлари томонидан Хизмат текшируви ўтказишдаги шаффоффлик, ҳалоллик, коллегиаллик, бетарафлик ва холислик;

Хизмат текшируви олиб борилаётган ОАК ходимнинг айбиззлик презумпцияси.

II. Хизмат текширувни тайинлаш

5. Хизмат текшируви ОАК ходимлари томонидан Ўзбекистон Республикасининг коррупцияга қарши курашишга оид қонунчилиги ёки коррупцияга қарши курашишга оид ички идоравий хужжатларининг бузилганлиги тўғрисидаги асосли маълумотлар мавжуд бўлганда тайинланади.

6. Бундай маълумотлар қўйидаги манбалардан келиши мумкин:

ОАК ходимларининг ёзма ёки оғзаки шаклдаги бевосита раҳбари ёки бошқа ваколатли шахсга берган маълумоти;

жисмоний ва юридик шахсларнинг ОАКнинг алоқа каналларига юборган хабарлари, шу жумладан,anonim хабарлар;

жисмоний ва юридик шахсларнинг мурожаатлари;

оммавий ахборот воситаларидағи, шунингдек, ижтимоий тармоқлардаги маълумотлар;

ўтказилган сўровнома, шу жумладан, ижтимоий ва статистик тадқиқотлар натижалари бўйича олинган маълумотлар;

ички аудит ва молиявий назорат бўлинмалари, шунингдек, давлат молиявий назорат органлари ва Ўзбекистон Республикаси Ҳисоб палатасининг хулосалари;

Коррупцияга қарши ички назорат гурӯҳи (кейинги ўринларда – Ички назорат гурӯҳи) томонидан коррупцияга қарши ички талаблар мониторинги ва уларга риоя қилиш устидан назорат натижалари;

Ўзбекистон Республикаси Президенти, Вазирлар Маҳкамаси ва давлат хокимиётининг бошқа органларининг топшириқлари;

Бошқа каналлар орқали келиб тушган коррупциявий характердаги хабарлар.

7. Қўйидагилар Хизмат текшируви ташаббускорлари бўла олади:

ОАК раҳбари ва унинг ўринбосар (маслаҳатчи)лари;

ОАКнинг Одоб-аҳлоқ комиссияси;

Ички назорат гурӯҳи (коррупцияга қарши курашишга масъул ходимдар);

ОАК юрисконсульти;

ОАКнинг кадрлар билан ишловчи масъул ходими.

8. Коррупциявий хатти-харакатлар тўғрисида мазкур Регламентнинг 6-бандида кўрсатилган манбалардан келиб тушган ҳар қандай маълумотга нисбатан Ички назорат гурӯҳи Хизмат текшируви ўтказиш учун етарли асос ва маълумотлар мавжудлиги, шунингдек, келиб тушган маълумотнинг ОАК ходимларига алоқаси бор-йўқлигини аниқлаш нуқтаи назаридан дастлабки текширув ва таҳлил қилишни амалга оширадилар.

9. Бунда устидан Хизмат текшируви ўтказилиши мумкин бўлган ёки манфаатлар тўқнашуви мавжуд бўлган ходимларни дастлабки текширув жараёнига жалб қилиш тақиқланади.

10. Дастлабки текширув тегишли маълумот келиб тушган кундан бошлаб 10 (үн) кундан ортиқ бўлмаган муддатда ўтказилади.

11. Дастлабки текширув Хизмат текшируви ҳисобланмайди.

12. Агар дастлабки текширув натижалари бўйича ОАКга алоқадор бўлган қоидабузарлик содир этилгани, содир этилиши мумкин бўлгани ёки содир этилаётганини тахмин қилишга асос борлиги аниқланса, у ҳолда Ички назорат гурӯхи раҳбари ОАК раҳбари ёки таркибий бўлинмалари раҳбари номига ёзма хизмат хабарини жўнатади.

13. Агар Хизмат текшируви ОАКнинг таркибий бўлинмалари раҳбари ёки унинг ўринбосар (маслаҳат)ларига нисбатан тайинланган бўлса, хизмат хабари ОАК раҳбарининг номига ёзилади.

14. Агар Хизмат текшируви ОАК раҳбари ёки унинг ўринбосар (маслаҳатчи)ларига нисбатан тайинланган бўлса, (Ўзбекистон Республикаси қонунчилиги ва ОАКнинг ички ҳужжатларида кўзда тутилган коррупциявий хатти-харакатлар, шу жумладан манфаатлар тўқнашувини яширишга оид ҳолатларини содир этганликда гумон қилинган ҳолларда) у ҳолда тегишли маълумотлар Ички назорат гурӯхи томонидан ўрнатилган тартибда Ўзбекистон Республикаси хукуқни муҳофаза қилиш органларига юборилади.

15. ОАК раҳбари хизмат хабари олинган кундан бошлаб 3 (уч) иш кунида Хизмат текшируви ўтказиш ёки ўтказмаслик тўғрисида қарор (буйруқ) қабул қиласди.

16. ОАК раҳбари хизмат хабарига асосан тегишли материалларни Ўзбекистон Республикаси хукуқни муҳофаза қилиш органларига Хизмат текшируви ўтказмасдан тақдим этиш тўғрисида қарор қабул қиласи мумкин.

17. Хизмат текшируви ўтказиши тўғрисида қарор қабул қилиш билан бир вақтда ОАК раҳбари Хизмат текшируви ўтказиши бўйича ишчи гурух раҳбарини тайинлайди ва унга ишчи гурух таркибини шакллантиришни ва хизмат текширувни ўтказиши тўғрисида буйруқ тайёрлаш вазифасини топширади.

18. Хизмат текшируви ўтказиши тўғрисидаги буйруқда қуидагилар кўрсатилади:
Хизмат текшируви предмети (мавзуси);

Хизмат текшируви ўтказилишига асос бўлган сабаб ёки вазият;

Хизмат текшируви ўтказишига сабаб бўлган қоидабузарликни содир этишда гумонланаётган ходим (лар), у (лар)нинг ФИШ ва лавозими (бўлинма (бошқарма, бўлим) номи) маълум бўлса;

Хизмат текширувини ўтказиши учун маъсул бўлган ишчи гурух таркиби;

Ишчи гурух аъзолари ва раҳбарининг хукуқ ва мажбуриятлари;

Хизмат текширувини ўтказиши ва натижаларни тақдим этиш муддати.

19. Хизмат текшируви ўтказиши тўғрисидаги буйруқ лойиҳаси ОАК раҳбарига имзолаш учун Хизмат текшируви ўтказиши тўғрисидаги қарор қабул қилинган санадан бошлаб 3 кун ичидаги тақдим этилиши керак.

III. Хизмат текшируви ўтказиши бўйича ишчи гурух тузиш

20. Хизмат текширувини ўтказиши бўйича ишчи гурух таркиби, Ишчи гурух раҳбари таклифига асосан тузилади, қоида тариқасида унга ички назорат гурухи, кадрлар билан ишловчи ходимр, юрисконсульт ҳамда лавозим мажбурияти Хизмат текшируви предмети бўлган ёки шунга яқин бўлган бошқа бўлинмалар ходимлари киритилиши мумкин.

21. Таркибий тузилмалар томонидан ташкил этилган ишчи гурух таркибига ОАК марказий аппарати ходимлари киритилиши мумкин.

22. Куидаги ходимлар ишчи гурух таркибига киритилмайди:

Хизмат текшируви ўтказилаётган ходимнинг яқин қариндошлари;

Хизмат текшируви ўтказилаётган ходимнинг бевосита бўйсинувидаги ходим;

Хизмат текшируви ўтказилаётган ходимнинг бевосита раҳбари (ОАК ва таркибий бўлинма раҳбари бундан мустасно);

Хизмат текшируви ўтказилаётган йўналишни бошқараётган ОАК раҳбари (маслаҳатчи)нинг ўринбосарлари;

текширув якунидан бевосита ёки билвосита манфаатдор эканлиги ҳақида гумон (масалан бирга таълим олган, бир ҳудуддан бўлган, ишқий муносабатларда, хизмат текшируви ўтказилаётган ходим билан ошкора зиддиятга эга ва ҳок.) бўлган бошқа ходимлар.

23. Ишчи гурухни шакллантириш учун маъсулият ишчи гурух раҳбари зиммасида бўлади. У мазкур Регламентнинг 22-бандида кўрсатилган потенциал манфаатлар тўқнашуви ҳолати мавжудлиги бўйича гурух аъзоларини текшириши шарт.

IV. Хизмат текширувини ўтказиши

24. Хизмат текшируви тегишли буйруқ имзолаган санадан бошлаб 30 кундан ортиқ бўлмаган муддатда ўтказилиши керак.

25. Агар Хизмат текшируви жараёнида 24-бандда кўрсатилган муддатларнинг узайишига олиб келадиган қўшимча тартиб-таомиллар (шу жумладан, ходимлар ва бошқа шахслар орасида қўшимча сўровнома ўтказиши) ўтказилиши, қўшимча хужжатларни сўраб олиш талаб этилса, у ҳолда ишчи гурух раҳбари бу ҳақда маълум бўлиши билан мажбурий тартибда, Хизмат текшируви тўғрисидаги буйруқни имзолаган раҳбарни хабардор қиласи. Бундай ҳолатларда, Хизмат текширувини ўтказиши

муддатлари 30 (ўттиз) календарь кунидан ортиқ бўлмаган муддатга узайтирилиши мумкин.

26. Устидан Хизмат текшируви ўтказилаётган ходим йўқ бўлган ҳолда (таътил, касаллик, хизмат сафари ва бошқалар), у вақтинча тўхтатилади, унинг муддати эса автоматик тарзда ушбу ходим йўқ бўлган даврга узайтирилади.

Агар ходим 30 (ўттиз) календарь кунидан ортиқ муддатга йўқ бўлган ёки Хизмат текшируvida иштирок этишдан бошқа усул билан бош тортган ҳолда, Хизмат текшируви ОАК ва таркибий бўлинма раҳбари билан келишган ҳолда ходимнинг иштирокисиз ўтказилиши мумкин ва ушбу ҳолат Хизмат текшируви натижаларида қайд этилади.

27. Устидан Хизмат текшируви ўтказилаётган ходимга, ишчи гурух раҳбарининг тавсиясига асосан ОАК ва таркибий бўлинма раҳбари буйруғи билан маълум бир ахборот тизимлари, муайян хужжатлардан фойдаланишга чеклов қўйилиши мумкин. Ушбу ҳолатда қабул қилинган буйруқ ҳақида, устидан хизмат текшируви ўтказилаётган ходим, ўша куниёқ буйруққа имзо чектирилган ҳолда таништирилади. Буйруқ билан танишиш рад этилган ҳолда бу ҳақида ишчи гурух раҳбари томонидан далолатнома тузилади.

28. Ходимга нисбатан маълум бир ахборот тизимлари, муайян хужжатлардан фойдаланишга чеклов қўйишга оид буйруқ Хизмат текшируви ўтказишнинг муддатидан ортиқ бўлмаслиги керак.

V. Хизмат текширувини ўтказиш давомида ўрганиладиган маълумотлар

29. Хизмат текширувини ўтказиш давомида ишчи гурух қоидабузарликка алоқадор бўлган маълумотларни тўплаш, таҳлил қилиш ва хужжатлаштириш ишларини амалга оширади, шу жумладан:

қоидабузарлик, уни содир этиш сабаблари нимада акс этади;

Қоидалари бузилган Ўзбекистон Республикаси қонунчилиги ва ОАКнинг ички идоравий хужжатлари талаблари;

Қоидабузарликни содир этиш вақти, жойи, усули;

Қоидабузарликни содир этишга жалб қилинган шахслар доираси (ОАК ходимлари билан бир қаторда учинчи шахслар ҳам);

қоидабузарликнинг оғирлик даражаси;

ОАКга етказилган моддий ва номоддий, обрў-эътибор характеристидаги заарнинг кўриниши ва кўлами;

Қоидабузарликни содир этишга алоқадор бўлиши мумкин бўлган бошқа маълумотлар.

30. Хизмат текширувини ўтказиш давомида олинадиган маълумотлар манбаси қўйидагилар бўлиши мумкин:

устидан Хизмат текшируви ўтказилаётган ходим, ОАКнинг бошқа ходимлари, учинчи шахсларнинг ёзма ёки оғзаки тушунтиришлари;

тасдиқловчи хужжатлар (ёзма ва электрон шаклда);

интернет тармоғининг оммавий тизимида жойланган ахборот манбаларининг маълумотлари;

аудиоёзувлар, фото- ва видеосъемкалар;

қоидабузарликка алоқадор бўлган бошқа материаллар.

31. Юқорида санаб ўтилган барча, шу жумладан конфиденциал маълумотлар ишчи гурух томонидан ОАКда қабул қилинган барча таомилларни қўллаган ҳолда, шунингдек, ОАКнинг ички хужжатлари ва Ўзбекистон Республикаси қонунчилигига мувофиқ олиниши ва фойдаланилиши керак.

32. ОАК ходимлари ёки жалб этилган бошқа шахслар билан ўтказилган сұхбат жараёни аудио ёки видео қайд қилиниши, сұхбат түғрисида баённома тузилиши керак (аудио ёки видео қайд Хизмат текшируви материалларига қўшиб қўйилади).

Аудио ва видео қайдни амалга оширишдан олдин сұхбат ўтказилаётган шахснинг розилиги олинади. Розилик берилмаса аудио ва видео қайдни амалга оширувчи ускуналардан фойдаланишга йўл қўйилмайди.

33. Устидан хизмат текшируви ўтказилаётган ёки бошқа ходимнинг сұхбат ёки тушунтириш беришдан бош тортилган ҳолларда ушбу Регламентнинг 1-иловасига мос шаклда далолатнома расмийлаштирилади.

34. Ишчи гурух раҳбари мазкур ходимни далолатнома билан танишганлигини тасдиқлаш учун унга имзо қўйиши зарурлиги түғрисида хабардор қиласи. Агар ходим хужжатга имзо қўйишдан бош тортса, у ҳолда ишчи гурух раҳбари хужжатга тегишли белги қўяди.

35. Устидан текширув ўтказилаётган ходим томонидан далолатномага (ёки бошқа хужжатларга) имзо қўймаслик унга нисбатан тегишли жавобгарлик чорасини қўллашдан озод қиласи.

VI. Ишчи гурух раҳбари ва аъзоларининг хуқуқ ва мажбуриятлари

36. Ишчи гурух раҳбари Хизмат текширувининг самарадорлиги ва натижаси, шунингдек, ишчи гурух аъзоларининг мазкур Регламент билан белгиланган талабларга амал қилишлари учун маъсул бўлади.

37. Хизмат текшируви ўтказиши давомида ишчи гурух раҳбари қуйидаги вазифаларни амалга оширади:

Хизмат текшируви ўтказишининг йўналишлари, амалга ошириладиган тадбирларни белгилайди, ишчи гурух аъзолари олдига вазифалар қўяди;

Ишчи гурух томонидан Хизмат текшируви ўтказилишини ташкиллаштиради ва мувофиқлаштиради;

Ишчи гурух томонидан Хизмат текширувининг ушбу Регламентга мувофиқ равища ўтказилишини назорат қиласи;

сұхбат ўтказиши, тушунтириш талаб қилиб олиш зарур бўлган ходимлар рўйхатини тузади;

Хизмат текширувни холис ва самарали ўтказиши учун зарур бўлган чоралар кўрилишини таъминлайди (масалан, ОАКдаги маълумотларни йўқ қилиш жараёнларини тўхтатиб туришни талаб қиласи, тегишли ходимларга нисбатан текширув ўтказилаётган даврда маълум бир ахборот тизимлари, муайян хужжатлардан фойдаланишга чеклов қўйишни тавсия қиласи, зарурият туғилганда текширувни ўтказишининг максимал муддатларини узайтириш бўйича таклиф тайёрлайди ва бошқалар.);

ОАК, худудий ва таркибий бўлинма раҳбари Хизмат текшируви натижаларининг тақдим этилишини таъминлайди.

38. Хизмат текширувни ўтказища ишчи гурух раҳбари ва аъзолари қуйидаги хуқуқларга эга:

ОАК ходимлари билан сұхбат ўтказиши, тушунтириш хати олиш, текширув моҳияти түғрисида маълумотга эга бўлиши мумкин бўлган учинчи шахслар, шунингдек, ташқи экспертларни уларнинг розилиги билан Хизмат текшируви жараёнига таклиф қилиш. Учинчи шахслар ва ташқи экспертларни жалб қилиш масаласи ОАК раҳбари билан келишилиши шарт;

сұхбатни ёзма шаклда ёки зарурият туғилганда тушунтириш бераётган шахснинг розилиги билан аудио- ва видеоқайд этувчи ускуналар қўллаш билан қайд этишни амалга ошириш;

ОАК ходимларидан Хизмат текширувига алоқадор бўлиши мумкин бўлган материалларни олиш;

ОАКнинг мулкининг бус-бутунлигини хатлов ва тафтишдан ўтказиш;

Ўтказилаётган Хизмат текшируви доирасида ўз лавозим мажбуриятларини бажариш учун фото- ва видеоқайдларни амалга ошириш.

39. Ишчи гурух раҳбари ва аъзолари мажбуриятлари:

Хизмат текширувани ўтказишида ушбу Регламент, ОАКнинг бошқа ички хужжатлари ва Ўзбекистон Республикаси қонунчилиги талабларига амал қилиш;

Хизмат текшируви моҳияти бўйича мавжуд барча материалларни тўплаш;

Хизмат текшируви мақсадлари учун аҳамиятга эга бўлган маълумотларнинг (хужжатлар, электрон маълумотлар ва б.) бутлигини сақлаш бўйича чоралар кўриш;

мазкур Регламент, ОАКнинг бошқа ички хужжатлари ва Ўзбекистон Республикаси қонунчилигига кўзда тутилган ҳолатлардан ташқари Хизмат текшируви ўтказиш доирасида олинган маълумотларнинг мутлақо конфиденциаллигини сақлаш ва ошкор қилмаслик;

мазкур Регламент талабларига мувофиқ равишида текширув натижаларини расмийлаштириш, шу жумладан, жавобгарлик чоралари, шунингдек, қоидабузарлик сабаблари ва қоидабузарликни содир этишга туртки бўлган шартларни бартараф қилиш имконини берадиган чораларни қўллаш бўйича таклифлар ишлаб чиқиш.

VII. Устидан Хизмат текшируви ўтказилаётган ходимларнинг ҳуқуқлари

40. Устидан Хизмат текшируви ўтказилаётган ходим қуйидаги ҳуқуқларга эга:

Хизмат текшируви ўтказиш факти тўғрисида хабардор бўлиш;

қоидабузарликнинг содир этилиши сабаблари ва шароитлари, Хизмат текшируванинг бориши хақида ўз фикр-мулоҳазаларини ифодалаш ҳуқуқи билан ёзма ва оғзаки тушунтиришлар бериш, шунингдек, унинг тушунтиришларини тасдиқлаши мумкин бўлган исбот-далилларни тақдим этиш;

Тушунтиришлар тақдим этишдан бош тортиш – бу ҳолда ушбу Регламентнинг 33-бандида кўзда тутилган далолатнома тузилади;

ўзи томонидан тақдим этилган, ўтказилаётган Хизмат текшируви, Хизмат текшируви материалларига алоқадор бўлган хужжат ва материалларга қўшиб қўйишни талаб қилиш;

Хизмат текшируви тугаганлиги тўғрисидаги хабарни олиш ва бундай хабар олингандан кейин 2 (икки) кун ичида Хизмат текшируви маълумотномасининг унга тегишли қисми билан у тасдиқланишига қадар танишиш (у фойдаланиш ва ўз мулоҳазаларини қўшиб қўйиш ҳуқуқига эга бўлмаган конфиденциал ахборотдан ташқари);

Хизмат текшируви натижаларидан, шу жумладан, ишчи гурух томонидан текширув якунлари бўйича таклиф этилган жавобгарлик чорасидан норози бўлган тақдирда ушбу қарор устидан ОАК раҳбарига ёки юқори турувчи идораларга шикоят қилиш.

VIII. Хизмат текшируванинг ўтказишга жалб қилинадиган бошқа ходимларнинг ҳуқуқ ва мажбуриятлари

41. Хизмат текшируванинг ўтказишга жалб қилинадиган ходимлар Хизмат текшируванинг ўтказишида ишчи гурухга ҳар томонлама кўмак бериш, шу жумладан, Хизмат текшируви бўйича талаб қилинган тушунтиришлар, маълумот ва хужжатларни

беришлари, ишчи гурух аъзолари томонидан ташкил этиладиган сұхбатда иштирок этишлари шарт.

42. Хизмат текшируванинің ўтказишга жалб қилинаётган ходимлар уларнинг текширувда иштирок этишлари сабабли уларга маълум бўлган Хизмат текшируви маълумотларини ошкор қилишга хақли эмаслар.

43. Хизмат текшируванинің ўтказишга жалб қилинаётган ходимлар куйидаги хукуқларга эга:

Ўзлари ва яқин қариндошларга қарши гувоҳлик бермаслик;

ОАК раҳбарига ишчи гурух раҳбари ва аъзоларининг харакатлари (харакатсизлиги) устидан шикоят қилиш.

IX. Хизмат текшируви натижаларини расмийлаштириш

44. Хизмат текшируви натижалари бўйича ишчи гурух раҳбари, унинг барча аъзолари, Хизмат текшируви ўтказилаётган ходим томонидан имзоланадиган маълумотнома тузилади.

45. Маълумотнома мазкур Регламентга 2-иловага мувофиқ шаклда тузилиб, кириш, баён, хулоса ва таклиф қисмидан иборат бўлади.

46. Маълумотнома ёки унинг алоҳида бандларидан норози бўлган, ишчи гурух аъзоси шунингдек устидан Хизмат текшируви ўтказилаётган шахс ёзма равища расмийлаштирилган ва ишга тиркалган ҳолда алоҳида фикрда эканлигини билдирган белги билан маълумотномага имзо қўйиши мумкин.

47. Устидан Хизмат текшируви ўтказилаётган шахс маълумотномага имзо қўйишидан бош тортган ҳолларда далолотнома расмийлаштирилади. Ушбу далолотномага ишчи гурух аъзоларидан ташқари, Хизмат текшируви натижаларидан манфаатдор бўлмаган камида икки нафар шахс имзо қўйиши лозим.

48. Маълумотномага асосан ОАК раҳбари қуйидаги қарорларни қабул қилиши мумкин:

қоидабузарлик тўғрисидаги маълумот тасдиқламаганлиги муносабати билан Хизмат текшируви тўхтатиши;

сабаблар ва муддатлари қўрсатилган ҳолда Хизмат текшируви материалларини қўшимча ишлаш учун, зарурият туғилганда эса – ишчи гурух таркибини ўзгартириш учун қайтариш;

айбдор ходимни интизомий жавобгарликка тортиш;

ходимга нисбатан огоҳлантириш, профилактик ҳарактердаги чораларни қўллаш;

келгусида шу каби қоидабузарликлар содир бўлишининг олдини олиш бўйича тегишли чора-тадбирларни ишлаб чиқиш;

хукуқбузарлик ёки жиноят аломатлари тасдиқланган ҳолда, тегишли материалларни хукуқни муҳофаза қилиш органларига тақдим этиш.

49. Хизмат текшируви натижалари тўғрисидаги маълумотнома Ички назорат гурухи, кадрлар билан ишловчи масъул ходимга тақдим этилади.

50. Хизмат текшируви ўтказилишига сабаб бўлган маълумот ҳақида хабар берган шахслар қоидабузарлик тасдиқлангани ёки тасдиқланмагани, шунингдек кўрилган чоралар ҳақида умумий тарзда хабардор қилинади.

XI. Хизмат текширувига оид хужжатларни сақлаш ва улардан фойдаланиш

51. Хизмат текширувиде иштирок этаётган ОАК ходимлари текширув давомида уларга маълум бўлган ахборотнинг конфиденциаллигини таъминлайдилар (Ўзбекистон Республикаси қонунчилигига кўзда тутилган ҳолатлар бундан мустасно).

52. Ўтказилган Хизмат текшируви доирасидаги маълумотлардан ваколатли фойдаланиш хуқуқига фақат ОАК раҳбари, Ички назорат гурухи ва ишчи гурухи аъзолари (мазкур ишчи гуруҳ аъзоси иштирок этган текширувлар бўйича) эга.

53. Ўз лавозим вазифаларини бажариш учун ўтказилган Хизмат текширувлари ҳақидаги ахборотдан фойдаланиши зарур бўлган ходимлар, ушбу ахборотдан фойдаланиши учун ОАК раҳбарининг ёзма розилигини олиши лозим.

54. Хизмат текширувига оид материаллар ишчи гурух раҳбари томонидан алоҳида ийғмажилдга рақамланган ва тикилган ҳолда Ички назорат гурухи ва Кадрлар билан ишлашга масъул ходимга топширилади.

55. ОАКнинг марказий аппаратидаги Ички назорат гурухи ва ушбу вазифа юкланган бўлинмалар мазкур Регламентга З-иловага мувофиқ шаклда Хизмат текширувлари электрон реестрини юритилишини таъминлайди.

56. Хизмат текширувига оид барча ҳужжатлар, агар бошқача тартиб Ўзбекистон Республикаси қонунчилигига кўзда тутилмаган бўлса, тасдиқланган вақтдан бошлаб 10 (үн) йил давомида сақланиши лозим.

ОАК ходимларининг коррупциявий хатти-харакатлари ва
одоб-аҳлоқ қоидаларини бузиш холатлари устидан
хизмат текширувлари ўтказиш бўйича Регламентга
1-илова

ДАЛОЛАТНОМА

«__» _____ 20__ й.

Биз, куида имзо қўювчилар

(ФИШ, лавозими)

(ФИШ, лавозими)

(ФИШ, лавозими)

Ходим (ФИШ, лавозими) 20—йилнинг «--»да

,дан иборат бўлган
қоидабузарлик содир этилганлиги тўғрисида ёзма тушунтириш бериш таклиф этилган бўлиб, у ёзма
тушунтириш беришни рад этгани тўғрисида ушбу актни туздик.

Ёзма тушунтириш беришни рад этганлиги сабабларини ходим (ФИШ, лавозими) қуидагилар
 билан изоҳлади

(тушунтириш беришни
рад этганлик сабаблари эркин шаклда баён этилсин).

Далолотнома тузган шахслар имзоси:

(имзо)

(ФИШ)

(имзо)

(ФИШ)

(имзо)

(ФИШ)

Далолотнома билан танишдим*: (ФИШ, лавозим, сана, имзо) _____

* Далолотномага имзо қўйишдан бош тортса, ишчи гурух раҳбари «имзолашдан бош тортди» ёзувини киритиб, ўзи
имзо қўяди.

ОАК ходимларининг коррупциявий хатти-харакатлари ва одоб-
аҳлоқ қоидаларини бузиш ҳолатлари устидан хизмат
текширувлари ўтказиш бўйича Регламентга
3-илова

Хизмат текшируви натижалари тўғрисида маълумотнома —сон

1. Асос: ОАК раҳбарининг бўйруғи (сана ва рақами)

2. Ишчи гурух таркиби:

Ишчи гурух раҳбари _____
(лавозими, фамилияси, инициаллари)

Ишчи гурух аъзолари _____
(лавозими, фамилияси, инициаллари)

3. Хизмат текширувани ўтказилган муддати:

4. Текширув ўтказиш учун асослар (келиб тушган хабарнинг қисқача мазмуни): _____

5. Баён қисми (хизмат текшируvida аникланган фактлар):

коидабузарлик содир бўлғанми ва у нималарда ифодаланган;
коидабузарлик содир этилган жойи, вақти, усули ва қоидабузарликни содир этишнинг бошқа
шароитлари;

Хизмат текшируви ўтказилаётган ходим(лар)нинг маълумотлари (ФИШ, лавозими, (тузилмавий
бўлинма номи (бошқарма, бўлим номини кўрсатган ҳолда), меҳнат шартномаси тузилган сана, ушбу
ходимга нисбатан Хизмат текшируви аввал ҳам ўтказилганми);

коидабузарликни содир этишга алоқадор бўлган шахслар доираси;

коидабузарликни содир этиш мақсадлари ва сабаблари;

коидабузарликни содир этишга туртки бўлган сабаб ва шартлар;

конкрет ходимнинг айбордлигини тасдиқловчи ёки унинг айбизлигига гувоҳлик берувчи
тўпланган маълумотлар таҳлили;

Хизмат текшируви ўтказилаётган ходимнинг ўз ҳимояси учун келтирган далиллари, уларни
текшириш натижалари.

6. Хулоса ва таклифлар:

а) хулоса қисмида:

Хизмат текшируви ўтказилган шахс(лар)нинг харакат(лар)ида (харакатсизлигида) қоидабузарлик
мавжуд ёки йўқлиги тўғрисида хулоса;

коидабузарлик бўлса, талаблари бузилган Ўзбекистон Республикаси қонунчилиги ёки ОАКнинг
ички хужжатлари номи, санаси ва бузилган қоида мазмуни;

коидабузарлик содир этиш натижасида етказилган зарар характеристи ва кўлами (мавжуд бўлса);

б) таклиф қисмида

айбор шахс (лар)ни жавобгарликка тортиш бўйича таклифлар;

коидабузарлик содир этишга олиб келадиган сабаб ва шартларни бартараф қилишга қаратилган
тавсиялар;

Хизмат текшируви материалларини хукуқни муҳофаза қилиш органларига тақдим этиш
зарурияти.

Ишчи гурух аъзолари имзолари:

Маълумотнома билан танишдим*:

(ФИШ, лавозими)

(имзо)

(сана)

* Маълумотномага имзо қўйишдан бош тортса, ишчи гурух раҳбари «имзолашдан бош тортди» ёзувини
киритиб, ўзи имзо қўяди.

ОАК ходимларининг коррупциявий хатти-харакатлари ва одоб-аҳлоқ қоидаларини бузиш ҳолатлари устидан хизмат текширувлари ўтказиш бўйича Регламентга
З-илова

Хизмат текширувлари электрон реестри

Т/р		
1	1	Хизмат текшируви ўтказини түгрисидаги бүйрүк раками ва санаси
2	2	Утказилган Хизмат текникуруви натижалари түгрисидаги мэдүмтөмома раками ва санаси
3	3	Хизмат текшируви ўтказини даври
4	5	Ишчи гурух таркиби
5	6	Қоидабузарлик түгрисидаги ахборот келиб тушган манба
6	7	Хизмат текшируви ўтказини йүнәлишларининг кискача таърифи
7	8	Текширув натижаларининг кискача таърифи
8	9	Аниқланган айбдор шаҳслар рўйхати
9	10	Текширув натижалари бўйича тасдиқланган чоралар
10	11	Муддатлар ва ижро учун маъсул
11	12	Амалда бажарилганик түгрисидаги ахборот
12	13	